

Headlines

- 1 एयर चीफ मार्शल वी.आर चौधरी होरें आखेआ ऐ जे भारती वायु सेना देशे दी हिफाजत करने ते हर किस्मै दे खतरें गी नाकाम बनाने लेई पूरी चाल्ली तैयार ऐ।
- 2 सलाहकार आर.आर भटनागर होरें आखेआ ऐ जे जम्मू-कश्मीर ते देशे दे होरनें हिस्सें च अंदरूनी सुरक्षा बरकरार रखने च सी.आर.पी.एफ बड़ी महत्वै आली भूमिका निभांदी ऐ।
- 3 जल जीवन मिशन नै ग्राएं च 70 फीसद परोआरें गी नलके राहें पानी दे कनेक्शन उपलब्ध करोआने दी कामयाबी हासल करी लैती ऐ। राश्ट्री स्तर पर पानी दी गुणवत्ता दी निगरानी च जम्मू-कश्मीर दुए नम्बरै पर ऐ।
- 4 केंद्री मंत्री महेंद्र नाथ पांडे होरें आखेआ ऐ जे केंद्र सरकार जम्मू-कश्मीर च बेहतरीन फायदे ते सेवां जकीनी बनाने बक्खी ध्यान केंद्रित करै करदी ऐ।

<><><><><><>

IAF

भारती ब्हाई फौज नै अज्ज अपनी 91वीं बरें गंड मनाई। मुख्ख समारोह उत्तर प्रदेश दे प्रयाग राज च लगगा जित्थे बमरौती वायु सेना केंद्र च शानदार परेड दा सरिस्ता कीता गेआ। वायु सेना प्रमुख एयर चीफ मार्शल वी.आर चौधरी होरें परेड दी सलामी लैती। इस मौके उनें आखेआ जे वायु सेना दी शक्ति, शांति ते युद्ध काल, दौनें समें च बरोबर उपयोगी होंदी ऐ। उनें दस्सेआ जे वायु सेना नै अग्निवीरें दा पैहला बैच अपने च शामिल करी लैता ऐ ते एह्दे बाद दे अग्निवीरें दे बैच जिंदे च महिला अग्निवीर बी शामिल न, उन्दी शुरूआती सिखलाई चलै करदी ऐ।

<><><><><><>

LEH-Display

भारती वायु सेना दे 91में स्थापना दिवस दे मौके पर अज्ज मुख्ख दे बक्ख-बक्ख हिस्सें च केई समारोह आयोजित कीते गे। इसै सिलसिले च अज्ज लेह च बी ब्हाई ते स्थिर प्रदर्शन कीता गेआ। एयर कोमोडोर डी.एसहांडा होरें इस मौके आखेआ जे अज्ज कीते गेदे इस स्टैटिक डिस्प्ले दा मकसद लहाख दे नौजवानें गी वायु सेना च शामिल होने लेई प्रेरित करना ऐ। इस मौके लोकें दे दिक्खने लेई मिसाइलें दे त्रुं किस्में दे सरिस्तें दा बी प्रदर्शन कीता गेआ जिंदे च स्पाइडर मिसाइल सिस्टम, आकाश मिसाइल सिस्टम ते सतह थमां ब्हा च दरमेयानी दूरी पर मार करने दी छमता आला मीडियम रेंज सर्फेस टू एअर मिसाइल सिस्टम बी शामिल हा।

CRPF

लेफ्टिनेंट गवर्नर हुंदे सलाहकार आर.आर. भटनागर होरें सी.आर.पी.एफ दे बन तलाब जम्मू आले बेस कैंप थमां सी.आर.पी.एफ महिला मोटर सैकल अभियान रैली 2023 गी अज्ज झंडी दस्सियै रवाना करोआया जेडी मुख्ख भरै दे लोकें गी राश्ट्री एकता ते साम्प्रदायिक संबोध दा स्नेहा देगा। सलाहकरा भटनागर होर इस कार्यक्रम दे मुख्ख परौहने हे। इस मौके पर उनें आखेआ

सी.आर.पी.एफ महिलाएं दी एहू मोटर सैकल रैली पैहले अमृतसर ते फही उत्थुआं देशे दे होरनें हिस्सें च जागा। इस मौके सलाहकार होरें आखेआ जे सी.आर.पी.एफ दियां एहू मोटर सैकल सोआर देशवासिं गी जम्मू-कश्मीर ते देशे दे होरनें हिस्सें च आतंकवाद खलाफ लडाई च सी.आर.पी.एफ दी भूमिका बारै जानकार बनाडन। एह्दे अलवा ओहू लोकें गी खरी सेहत, महिला सशक्तिकरण ते देशे दी अंदरूनी सुरक्षा दे सरबंघै च सी.आर.पी.एफ दी भूमिका बारै बी जानकारी देडन।

Security-Navratra

श्री माता वैश्वानो देवी श्राइन बोर्ड दे मुख कार्जकारी अफसर अंशुल गर्ग होरें 15 अक्तूबर गी शुरू होआ रदे नराता उत्सव दे सिलसिले च कीती जा'रदिएं सुरक्षा सरबंधी ते होर दुइएं त्यारिएं दा व्यापक जायजा लैने लेई सुरक्षा एजेसिएं ते मकामी प्रशासन ते अधिकारिएं कन्नै इक बैठक लाई। इस मौके उनेंगी आक्खेआ जे इनें नरातें दौरान दौरान खरी मती गिनतरी च श्रद्धालुएं दे कटडा औने दी मेद कीती जा'रदी ऐ इस करिए सुरक्षा सनें सारियां त्यारिएं चाक-चोबंद होनियां लोडचदियां तां जे इस सलाना उत्सव गी पूरी चाल्लीं रमानदारी ते बवस्था आले ढंगै सिर तोड चाढेआ जाई सकै ते मुल्लै दे बक्ख-बक्ख हिस्सें थमां औने आले श्रद्धालुएं गी कुसै चाल्ली दी दिक्कत या औख दा सामना नेई करना पवै।

JJM-JK

जम्मू-कश्मीर प्रशासन नै 70 प्रतिशत ग्रामीण इलाकें च जल जीवन मिशन तैहत नलकें राएं साफ पानी उपलब्ध कराने दा इक होर संगे मील पार करदे होई सराहनेजोग उपलब्धि हासल करी लैती ऐ ते राश्ट्री सतह पर दुई थार बी हासल कीती ऐ। जम्मू-कश्मीर प्रशासन नै 18 लक्ख 68 ज्हार ग्रामीण परौआरें चा 13 लक्ख 16 ज्हार परौआरें यानि 70 प्रतिशत परौआरें तगर नलकें राएं पानी पुजाई देने च कामयाबी हासल कीती ऐ।

Khatana-Nagrota

भारती जनता पार्टी दे राज्यसभा सांसद इंजीनियर गुलाम अली खटाना होरें अज्ज आखेआ ऐ जे प्रधानमंत्री नरेंद्र मोदी होरें समाज दे पच्छेत्ते तबकें गी उबडा चुक्कने लेई खास ध्यान केंद्रित कीता ऐ। नगरोटा इलाके दे ढोक वज्जिरां ग्रांड च इक बड्डे किट्ट अगुै भाशा दिंदे होई सांसद गुलाम अली होरें आखेआ जे बीजेपी दी सरकार नै इस गल्लै गी जकीनी बनाया ऐ जे कल्याणकारी योजनाएं दे लाहू लोडचदे ते गरीबें तगर पुज्जन ते कन्नै ऐसियां केई बवस्थां बी तैयार कीती दिआं न जिंदे राएं हेराफेरी गी रोकेआ जाई सकै। उनें आखेआ जे गीब ते जिमीं-रैहत लोकें गी 5 मरले जिमीं देने दी नीति बनाई दी ऐ ते इनें प्लाटें पर प्रधानमंत्री आवास योजना तैहत घरें दा निर्माण कीता जा करदा ऐ

<><><><><><>

Union-Minister

भारै, उद्योगें ते सार्वजनिक उद्यमें सरबंधी केंद्री मंत्री डाक्टर महेंद्र नाथ पांडे होरें अज्ज गांदरबल च माता खीर भवानी मंदरै च मत्था टेकेआ। उन्दे इस दौरें दरान गांदरबल दे ए.एस.पी, ए.ससी.आर ते होर बी केई अफसर उत्थे मजूद हे।

<><><><><><>

Safron-Trade Centre

जम्मू-कश्मीर दे दौरें पर आए दे केंद्री मंत्री महेंद्र नाथ पांडे होरें अज्ज पाम्पोर च अंतरराश्ट्री केसर बपार केंद्र दा दौरा कीता। अपने दौरें दौरान उनें केसर चुनने दे बाद आली प्रक्रिया लेई केसर करसानें लेई उपलब्ध सहूलतें दा बी निरीक्षण कीता जेहडियां बपार केंद्र आस्सेआ उपलब्ध कराइयां जा करदियां न। उनें केसर चुनने, बक्खरा करने, सुकाने, बक्ख-बक्ख श्रेणी च तालने ते पैक करने दे इलावा एह्दी ई-सरिस्ते राएं निलामी केंद्र दा बी निरीक्षण कीता जित्थे एहू सारे कम्म ते प्रक्रियां तोड चाढियां जंदियां न।

Minister-JK

भारती उद्योगें कारखानें ते सार्वजनिक क्षेत्र दे उपक्रमें दे मंत्री डाक्टर महेंद्र नाथ पांडे होरें आखेआ ऐ जे केंद्र सरकार दा मुख ध्यान जम्मू-कश्मीर केद्र शासित प्रदेश दे लोकें गी सब्बै लाहू ते सेवाएं गी सखल्ले ते बेहतर एंगै सिर पुजाना यकीनी बनाने पर ऐ। एहू गल्ल केंद्री मंत्री होरें केंद्र सरकार दे उस अभियान तैहत अपने पुलवामा दौरें दौरान आक्खी जिस दौरान सरकार दे मंत्री मुल्लै दे बक्ख-बक्ख हिस्से च जाइयै लोकें गी मिला करदे न ते सरकार आस्सेआ उन्दी भलाई बेहतरी लेई कीते जा रदे कम्में ते स्कीमें बारै जानकार बना करदे न। उन्दे इस दौरें दा मकसद बी इस इलाके दे बाद्दे विकास लेई केंद्र सरकार दे धेइयै गी फही पक्का करना ऐ। केंद्री मंत्री होरें इस दौरान पंच प्रण सगंध बी चुकाई जेदे बाद "मेरी माटी मेरा देश" कार्यक्रम तैहत बहादुर वीरें दे परिवारें गी सम्मानित बी कीता गेआ। शहीदें दे परिवारें गी सम्मान दे तौरा पर मोमेंटो बी भेंट कीते गे।

<><><><><><>

Sangam-Tributes

भद्रवाह च जारी संगम नांडे युवा उत्सव च पुंछ कैंपस दे विद्यार्थिं जंदी 13 सितंबर गी दक्खनी कश्मीर दे अनन्तनाग च कोकरनाग थाह् होए दे टाकरे च सर्वोच्च बलिदान देने आले दलेर अफसरें गी श्रद्धांजलि अर्पित कीती। अपनी सांस्कृतिक प्रस्तुति दरान विद्यार्थिं बड़े अनोखे तरीके कन्नै इक खास नाच दे राहें शहीदें दे बलिदान गी चेता कीता। विद्यार्थिं दे इस प्रदर्शन नै उत्थे मजूद लोकें गी भावुक करी दिता।

Run For Peace

भद्रवाह च स्थित फौज दी राश्ट्री राइफल्स युनिट आस्सेआ अज्ज शांति द्रौड़-रन फॉर पीस दा आयोजन कीता गेआ। तकरीबन 300 विद्यार्थिं एह्दे च हिस्सा लैता जिंदे च 110 कुड़ियां बी शामिल हियां। लेफ्टिनेंट कर्नल समीर होरें भद्रवाह कैंपस थमां इस द्रौड़ गी खाना करोआया। इस मौके उनें आखेआ जे इस द्रौड़ दा मकसद अमन-रमानदारी दा पैगाम दूरै-दूरै तगर पजाना ते खित्ते दे नौजवानें अंदर खेड्डें गी बढ़ावा देना बी ऐ तां जे युवाएं गी उर्जा दा इस्तेमाल सकारात्मक दिशा च कीता जाई सकै।

<><><><><><>

Jammu Village

जम्मू खित्ते च अंतरराश्ट्री बन्ने कन्नै लगदे ग्राएं च इनें दिनें इक शानदार तब्दीली दिक्खने गी लब्बै करदी ऐ। स्वच्छ भारत मिशन दी इक पैहलकदमी-गोबरधन परियोजना बन्नै आले ग्राएं च रवै करदे लोकें दे जीवन च नमीं क्रांति आह्ना करदी ऐ। गोबरधन परियोजना इक ऐसा मिशन ऐ जेदे तैहत ग्राएं गी साफ रक्खने दे कन्नोकन्नी गोहे थमां जैविक हैल बनाने ते उर्जा पैदा करने बक्खी ध्यान केंद्रित कीता जंदा ऐ। रणबीर सिंह पुरा दा सरहदी ग्रांठ गेगियां इस बदलाव दी इक शानदार मिसाल ऐ। बायोगैस कन्नै एह् लोक अपने घरें दे चूल्हे बाला करदे न। गेगियां पंचैत दे सरपंच कैप्टन हंसराज होरें दस्सेआ ऐ जे ओह् गोबरधन परियोजना तैहत स्थापित प्लांट थमां तकरीबन 20 परोआरें गी बायो-गैस सप्लाई करै करदे न। मकामी लोक इस प्लांट लेई गोहा उपलब्ध करोआंदे न ते एह्दे बदले इस प्लांट थमां बायो-गैस दा इस्तेमाल करदे न। उनें दस्सेआ ऐ जे एह्दे लेई उनें समें बी मुकरर कीते दा ऐ। लोकें गी बड्डुलै 66 बजे थमां 8 बजे तगर ते फ्ही संझा 4 बजे थमां 6 बजे तगर बायोगैस उपलब्ध करोआई जंदी ऐ।

Veterinary-Camp

भिड्डु पालन विभाग उधमपुर आस्सेआ कुद च खानाबदोश लोकें दिएं भिड्डु-बकरिं लेई फर्स्ट एड जांच आले इक गश्ती कैंप दा सरिस्ता कीता गेआ। भिड्डु पालन विभाग चनैनी दे वैटनरी असिस्टेंट सर्जन डाक्टर राकेश कुमार ते उंदी टीम नै भिड्डु-बकरिं दी जांच कीती ते कसरी मवेशिं गी दवाइयां बी दित्तियां।

<><><><><><>